

清實錄

(附) 宣統政紀

卷一至卷七〇
光緒三十四年至宣統三年

清實錄

第六〇冊

中華書局影印

清 實 錄

(第 六〇 冊)

(附) 宣 統 政 紀

*

中 華 書 局 出 版

(北京王府井大街36號)

北京市中國書店發行

中國建築工業出版社印刷廠印刷

*

787×1092 毫米 1/16 · 81 3/8 印張

1987年7月第1版 1987年7月北京第1次印刷

印數 0.001—1,500 冊

統一書號: 11018 · 1355—60 定價: 62.00 元

清實錄第六〇冊目錄

(附)宣統政紀

首卷	序	一
卷一	光緒三十四年十月	四
卷二	光緒三十四年十一月上	二二
卷三	光緒三十四年十一月下	四〇
卷四	光緒三十四年十二月上	六一
卷五	光緒三十四年十二月下	八〇
卷六	宣統元年正月上	一〇八
卷七	宣統元年正月下	一二九
卷八	宣統元年二月	一三九
卷九	宣統元年閏二月上	一五九
卷一〇	宣統元年閏二月下	一八〇
卷一一	宣統元年三月	二二三
卷一二	宣統元年四月	二三六
卷一三	宣統元年五月上	二五〇
卷一四	宣統元年五月下	二七五
卷一五	宣統元年六月上	二八九
卷一六	宣統元年六月下	三〇三
卷一七	宣統元年七月上	三一九
卷一八	宣統元年七月下	三三五
卷一九	宣統元年八月上	三四八
卷二〇	宣統元年八月下	三六四
卷二一	宣統元年九月上	三七七
卷二二	宣統元年九月下	三九六
卷二三	宣統元年十月上	四一〇
卷二四	宣統元年十月下	四四一
卷二五	宣統元年十一月上	四六一
卷二六	宣統元年十一月下	四七八
卷二七	宣統元年十二月上	四九二
卷二八	宣統元年十二月下	五〇四
卷二九	宣統二年正月上	五二四
卷三〇	宣統二年正月下	五三六
卷三一	宣統二年二月上	五五〇
卷三二	宣統二年二月下	五六一
卷三三	宣統二年三月	五八一

宣統政紀

一一

卷二四	宣統二年四月上	六〇三	卷五三	宣統二年四月下	九四三
卷二五	宣統二年四月下	六一九	卷五四	宣統二年五月	九六八
卷二六	宣統二年五月	六三一	卷五五	宣統二年六月上	九八七
卷二七	宣統二年六月	六五三	卷五六	宣統二年六月下	一〇〇〇
卷二八	宣統二年七月上	六六五	卷五七	宣統二年閏六月	一〇一五
卷二九	宣統二年七月下	六九〇	卷五八	宣統二年七月上	一〇三七
卷四〇	宣統二年八月上	七二二	卷五九	宣統二年七月下	一〇四八
卷四一	宣統二年八月下	七二六	卷六〇	宣統二年八月上	一〇六四
卷四二	宣統二年九月	七四五	卷六一	宣統二年八月下	一〇八二
卷四三	宣統二年十月	七六八	卷六二	宣統二年九月上	一一二四
卷四四	宣統二年十一月上	七九〇	卷六三	宣統二年九月中	一一六〇
卷四五	宣統二年十一月下	八〇一	卷六四	宣統二年九月下	一一八三
卷四六	宣統二年十二月上	八一六	卷六五	宣統三年十月上	一一九九
卷四七	宣統二年十二月下	八三三	卷六六	宣統三年十月下	一二二一
卷四八	宣統三年正月	八五七	卷六七	宣統三年十一月上	一二三四
卷四九	宣統三年二月	八七六	卷六八	宣統三年十一月下	一二四七
卷五〇	宣統三年三月上	八八九	卷六九	宣統三年十二月上	一二五八
卷五一	宣統三年三月下	九〇九	卷七〇	宣統三年十二月下	一二八六
卷五二	宣統三年四月上	九三二			

監修總裁世恭閱

纂修官歐家康恭纂
十二月 初一日

正總裁那

月 日

專司崇本

陸恭履閱

甲寅正月十九

日

徐

月 日

榮

月 日

副總裁唐

月 日

室宗

寶恭閱

九月十八

日

陳

恭閱

七月十一

日

熙

月 日

郭恭閱

十月十一

日

室宗

麒

月 日

清 實 錄 宣統政紀序

大清宣統政紀序

伏以河圖龜畫文肇義皇雲紀鳥官治垂軒
后唐書虞典載颺言拜手之歌周誥殷盤溯
詰屈聳牙之史甘露黃龍而外別開西漢紀
年上元儀鳳之前特記大唐初業以及宋有
東京夢華之錄明有弇州別集之編莫不揆
藻鸞綸揚茶駿烈附鴻裁於班馬闡雅意於
睢麟况當累洽重熙復繼文謨武烈論治則

聖人在位有風不鳴條雨不破塊之祥論德
則大道為公有天無私覆地無私載之量固
當赤文綠字紀功德於億萬斯年玉檢金泥
詳登封於七十二代者也欽惟我

皇上明兩作離

居東出震

天鍾

聖哲星流虹渚之祥

生而神靈。日角龍顏之表。既東主而告。

廟遂

負辰以臨軒。訟獄謳歌。天下咸歸子啟。制禮作

樂。周公用相成王。固已數冀朔而

紀元。撫蘿圖而

御宇。華蟲藻火。法南面之垂裳。白麟芝房。頌西

京之寶鼎。比量於泰山河海。莫測

高深。繪容於

日月乾坤。難為名似。謹陳大略。厥有數端。一曰

敬

天

皇上合德元微

精心對越。絙桑作樂。鏘麟鼓以郊

天。縮秬升香。絜犧尊而祀

地。辛祈重穀。崇報賽春秋。雩祭煢柴。用禴禳水旱。

祖

舉嶽瀆山川之祀。咸秩無文。祭風雲雷雨之師。諸神受紀。其昭事之誠。有如此者。一曰法

皇上恪承家法

懋踵前模。瞻松柏而展敬

山陵。潔粢盛而薦馨

宗廟。雞鳴三盥。修問膳於

慈宮。鳳綽萬年。晉徽稱於

壽母

經筵再啟。乾行協

健德之符

典學方新。蒙養得

聖功之正。其述事之隆。有如此者。一曰勤政

皇上允釐庶績。無曠

萬幾

崇政早朝。傳籤警寐

通英答詔。衡石量書。破格用人。不限資勞。門
蔭。定章課吏。仍兼書判身言。覃恩則露湛蓼
斯。起廢而春回。泰谷。邊氛靖埽。武伸蟾斧之
威。禮館宏開。文復蜡幽之盛。綏外則重瀛遣
使。講周旋於玉敦珠槃。撫內則諸道置官。嚴
督察於繡衣持節。其求治之飭。有如此者。一
曰愛民。

皇上宣聰作后

其仁如天。貸蹕路之籽糧。加五城之米石。蠲逋
以調魯豫。沛一朝汪濊之恩。發帑以賑江淮。
拯億萬生靈之命。草野之嗽鴻有託。河固焚
防。花村之吠犬無驚。風清桂澤。驅疫羣於方
相。伏癘潛消。屏毒卉於神農。沈疴盡起。其保
惠之懷。有如此者。至若昭回新命。布理憲文。
仰窺炎帝。帝魁之隆。實續太王。王季之緒。是
以博諮衆議。論採芻蕘。觀治一鄉。利謀桑梓。

登版圖天府。戶數丁推。遣計吏京師。塵清甲
簿。千楨設警。見徽道之綺交。聽訟分庭。喜琴
堂之花落。便知書於徒隸。奇觚傳急就之章。
懲無業於游民。魯削補考工之政。銖稱雀兩。
稱燕度正星衡。地用馬。天用龍。法更泉府。商
勳析爵。封卜式為關內之侯。農部設官。命陳
寵作行田之使。且也以

元首而兼

元帥。追蹤周武。戎衣以庶政。而公庶民。軼美鄭
僑。鄉校。周禮之官六十。別創隆規。呂刑之用
三千。改從輕典。羽林增子弟。殿前駐龍武之
軍。冢宰總百官。門下奉鸞臺之敕。固皆隱隱
然。各得其所。蕩蕩乎民無能名。而尤所難及
者。則在憲政提前。年限縮短。明堂改厯。以甲
子朔旦為期。洛邑和民。暨風雨四方來會。
父有作而

子則述繼九年未集之勳民所欲而天必從開百王未有之局當此共和協贊與周家

實異而名符益欽

揖讓無為見

虞陸風同而道一

臣等備員禁禦珥筆史箴刻

石鼓而誦周京逢金人而思漢室太平故吏

曾親開元貞觀之休淪落遺山尚記大定明

昌之事塗生民而改清廟敢比韓文藏名山

而副京師願成遷紀此後惟

天為大水傳

巍煥之文章他時候

日再中更草河汾之封禪

大清宣統政紀卷之一

光緒三十四年戊申冬十月癸丑朔○癸酉

酉刻

德宗景皇帝崩欽奉

慈禧端佑康頤昭豫莊誠壽恭欽獻崇熙皇太后

懿旨攝政王載灃之子

著入承大統為嗣

皇帝○又欽奉

懿旨前因穆宗毅皇帝未有儲貳曾於同治十三

年十二月初五日降旨大行皇帝生有皇子即

承祧穆宗毅皇帝為嗣現在大行皇帝龍馭上

賓亦未有儲貳不得已以攝政王載灃之子

承繼穆宗毅皇帝為嗣並兼承大行皇帝之

祧膺又欽奉

懿旨現值時事多艱嗣皇帝尚在沖齡正宜專心

典學著攝政王載灃為監國所有軍國政事悉

秉承予之訓示裁度施行俟嗣皇帝年歲漸長

學業有成。再由嗣皇帝親裁政事。又欽奉
懿旨。著派禮親王世鐸。睿親王魁斌。喀爾喀親王
那彥圖。奉恩鎮國公度支部尚書載澤。大學士
世續。那相。外務部尚書袁世凱。禮部尚書溥良。
內務府大臣繼祿。增崇。恭辦喪禮。敬謹襄事。又
大行皇帝詔曰。朕自沖齡踐阼。寅紹丕基。荷蒙
皇太后憐育仁慈。恩勤教誨。垂簾聽政。宵旰憂勞。
嗣奉

懿旨。命朕親裁大政。欽承
列聖家法。一以敬
天法
祖。勤政愛民為本。三十四年中。仰稟
慈訓。日理萬幾。勤求上理。念時事之艱難。折衷中
外之治法。輯和民教。廣設學堂。整頓軍政。振興
工商。修訂法律。豫備立憲。期與薄海臣庶共享
昇平。各直省遇有水旱偏災。凡疆臣請賑請蠲。

無不思施立沛。本年順直東三省湖南湖北廣
東福建等省先後被災。每念吾民滿目瘡痍。難
安寢饋。朕躬氣血素弱。自去年秋間。不豫。醫治
至今。而胸滿胃逆。腰痛腰軟。氣壅咳喘。諸證環
生。疊起。日以增劇。陰陽俱虧。以致彌留不起。豈
非天乎。顧念神器至重。亟宜傳付得人。茲欽奉
慈禧端佑康頤昭豫莊誠壽恭欽獻崇熙皇太后
懿旨。攝政王載灋之子。入承大統。為嗣皇

帝。在嗣皇帝。帝仁孝聰明。必能仰慰
慈懷。欽承付託。憂勤惕厲。永固邦基。爾京外文武
臣工。其精白乃心。破除積習。恪遵前次諭旨。各
按逐年籌備事宜。切實辦理。庶幾九年以後。頒
布立憲。克終朕未竟之志。在天之靈。藉稍慰焉。
喪服仍依舊制。二十七日而除。布告天下。咸使
聞知。朕諭內閣。本月二十一日酉刻。
大行皇帝龍馭上賓。朕欽奉

慈禧端佑康頤昭豫莊誠壽恭欽獻崇熙太皇太后懿旨。入承大統。捨地呼天。攀號莫及。伏念大行皇帝御宇三十有四年。祇承家法。上秉

慈謨。惕厲憂勤。無日不以敬天法。

祖。勤政愛民。為念。簡任親賢。變法圖強。維新政治。中外望風。凡有血氣者。罔不悲哀感戀。出於

至誠。朕之泣血椎心。尚忍言乎。惟思

付託至重。責任藐躬。尚賴內外文武大小臣工。共

矢公忠。弼予郅治。各直省督撫。務當撫輯斯民。整頓吏治。以仰慰

大行皇帝在天之靈。朕實有厚望焉。至喪服之制。

欽奉

大行皇帝遺詔。令依舊制二十七日而除。朕心實有不忍。仍當恪遵古制。敬行三年之喪。庶幾

郊

稍盡哀慕之忱。至於

廟祭祀大典。自不應因大喪而稍略其禮。其應如何遣官恭代及親詣行禮之處。著各該衙門查照向例。集議以聞。其天下臣民應持服制。仍照定例行。將此通諭知之。癸卯戌

卯刻

上詣涵元殿恭視

大行皇帝小殮畢奉

大行皇帝靈駕。奉安乾清宮西次間。

上翦髮成服。親王以下文武大臣官員俱成服。

各按位次齊集舉哀。

上呼捨大慟。嗣恭視

大行皇帝大殮畢。奉安

梓宮於乾清宮正殿。行殮奠禮。○諭內閣朕欽奉

慈禧端佑康頤昭豫莊誠壽恭欽獻崇熙太皇太后懿旨。現命攝政王載灃監國。所有應行禮節。著內閣各部院會議具奏。○又諭朕欽奉太皇太后懿旨。昨經降旨。特命攝政王為監國。所有軍國政事。悉秉承予之訓示。裁度施行。現予病勢危篤。恐將不起。嗣後軍國政事。均由攝政王裁定。遇有重大事件。必須請皇太后懿旨。者由攝政王隨時面請施行。○又諭朕繼承大統。

聖祖母慈禧端佑康頤昭豫莊誠壽恭欽獻崇熙

皇太后應尊為

太皇太后兼祧

母后皇后應尊為

皇太后。所有應行典禮。著該衙門敬謹查例具奏。

○又諭同治十三年

穆宗毅皇帝大事

大行皇帝曾遵成例。停止各省將軍督撫提鎮藩

臬及鹽關織造等來京叩謁

梓宮今

大行皇帝升遐。其各直省將軍督撫都統副都統提鎮城守尉並西北兩路將軍大臣暨藩學臬鹽關織造等。均不必奏請來京叩謁。梓宮致曠職守。各該員等惟當竭誠盡職。以期無負委任。不在末節虛文也。將此通諭知之。○又諭道光二十六年三月。

宣宗成皇帝特降

諭旨。以二名不偏諱。將來繼體承緒者。上一字仍舊。毋庸改避。亦毋庸缺筆。其下一字應如何缺筆之處。臨時酌定。以是著為令典等因。欽此。今朕敬遵。

成憲。將御名上一字仍舊書寫。毋庸改避。下一字敬缺一撇。書作儀字。其奉旨以前所刻書籍。俱毋庸議。○是日。

慈禧端佑康頤昭豫莊誠壽恭欽獻崇熙太皇太后
后遺疾大漸未刻崩。

誥曰予以薄德祇承

文宗顯皇帝冊命備位宮闈迨穆宗毅皇帝冲年
嗣統適當寇亂未平討伐方殷之際時則髮捻
交訌回苗倣擾海疆多故民生彫敝滿目瘡痍
予與

孝貞顯皇后同心撫訓夙夜憂勞秉承

文宗顯皇帝遺謨策勵內外臣工暨各路統兵大
臣指授機宜勤求治理任賢納諫救災恤民遂
得仰承

天庥削平大難轉危為安及穆宗毅皇帝即世今
大行皇帝入嗣大統時事愈艱民生愈困內憂
外患紛至沓來不得不再行訓政前年宣布豫
備立憲詔書本年頒示豫備立憲年限萬幾待
理心力俱殫幸予體氣素強尚可支拄不期本

年夏秋以來時有不適政務殷繁無從靜攝眠
食失宜遽延日久精力漸憊猶未敢一日暇逸
本月二十一日復遭大行皇帝之喪悲從中來
不能自克以致病勢增劇遂至彌留回念五十
年來憂患疊經兢業之心無時或釋今舉行新
政漸有端倪嗣皇帝方在冲齡正資啟迪攝政
王及內外諸臣尚其協力翊贊固我邦基嗣皇
帝以國事為重尤宜勉節哀思孜孜典學他日

光大

前謨有厚望焉喪服二十七日而除布告天下咸
使聞知

上恭視

大行太皇太后大殮安奉

梓宮於皇極殿行殮奠禮親王以下文武大臣官
員齊集舉哀○諭內閣朕以冲齡仰蒙

大行慈禧端佑康頤昭豫莊誠壽恭欽獻崇熙太

皇太后顧復恩慈情深固極特命入承大統
深冀

慈躬康健克享期頤俾朕奉養承
歡恭聆

訓誨以成郅治而固邦基乃

宵旰憂勞漸致違和屢進湯藥調理方期日就安
痊不意因二十一日

大行皇帝龍馭上賓哀戚過甚病勢陡重遂至大

漸遽於本月二十二日未時

仙馭升遐呼搶哀號曷其有極欽奉

遺詔喪服二十七日而除朕心實所難安仍穿孝

百日並素服滿二十七月稍申哀悃至

諭以勉節哀思一以國事為重敢不敬遵

遺命強加抑節以慰

大行太皇太后在天之靈所有

大喪禮制著派肅親王善耆順承郡王訥勒赫都

統喀爾沁公博迪蘇協辦大學士榮慶鹿傳霖吏部尚書陸潤庠內務府大臣奎俊禮部左侍郎景厚敬謹管理一切應行事宜並著詳稽舊典悉心覈議隨時具奏將此通諭中外知之○乙亥

攝政王面奉

皇太后懿旨每日應行在內直班住宿人員著照例輪班住宿其餘各項人員均不准在內住

宿○諭內閣

大行慈禧端佑康頤昭豫莊誠壽恭欽獻崇熙太

皇太后母家親屬著穿縞素百日○又諭現

遭

大行慈禧端佑康頤昭豫莊誠壽恭欽獻崇熙太

皇太后大事各直省將軍督撫都統副都統

提鎮等均有職守不必奏請來京叩謁

梓宮惟當實心辦事勉盡厥職不在禮節虛文也

○又諭禁門重地理宜嚴肅。疊經諭令該管大臣申嚴門禁。稽察出入。不啻三令五申。乃近來門禁仍屬懈弛。亟宜再申誥誡。著前鋒統領護軍統領總管內務府大臣嚴飭直班官兵。務須認真稽察。不准冒充當差人等乘間出入。經此次申警後。儻再仍前疏忽。定將該管大臣嚴懲不貸。懍之。朕命恭親王溥偉農工商部尚書溥頤會同原派王大臣恭辦。

大行太皇太后喪禮。朕命恭親王溥偉貝勒載洵載濤載潤在。

大行太皇太后梓宮前恭代奠酒。朕命貝子溥倫輔國公溥倌鎮國將軍溥倂貝子銜鎮國將軍載振在。

大行皇帝梓宮前恭代奠酒。朕丙子諭內閣。伊古神聖之君功德丕著。必有隆稱懿號。昭示來茲。典至鉅也。欽惟我。

皇考大行皇帝濬哲宣聰。研精敏學。德綏中外。道妙化裁。

御宇三十有四年。無日不以敬。

天法。

祖勤政愛民為念。每遇。

郊壇大祀。精誠昭格。崇奉我。

皇祖母大行太皇太后。尊養優隆。溯當登極之初。

上東。

垂簾之訓。求諫言而崇節儉。察羣吏而戒因循。洎。

乎親裁大政。整飭紀綱。咨詢暘雨。偏災偶告。

蠲貸兼施。召對臣工。披覽章奏。寒暑無間。宵。

旰焦勞。書唐大寶箴於殿壁。如木從繩。刊承。

華事略之新圖。以古為鑑。至於軫時局之艱。

難。采列邦之政治。舉一切興學練兵理財造。

幣綏藩壑。荒保商勸工。度量權衡。郵船路礦。

諸要政。靡不仰稟。

慈謨俯度時勢準今酌古執兩用中而且尊
素王而崇祀典御經筵以益新知訂商約以重邦
交本禮教以修刑律滿漢化除其畛域同
情載之無私勳臣追錄其子孫勵封疆之忠蓋籌
備立憲期於九載告成通變宜民實繫環瀛
觀聽宏功盛德海宇同欽予以冲人纂統永
懷孺慕益切顯揚允宜詳考彝章恭上

尊諡

廟號著大學士各部院衙門敬稽典禮具奏以開

題又諭

大行皇帝尚未擇有

陵寢著派溥倫陳璧帶領堪輿人員馳往

東

西陵敬謹查勘地勢繪圖貼說奏明請旨辦理

又諭豫親王桂林奏歲滿當差一摺定例王
公年滿十八歲由宗人府奏明上朝當差茲

該親王尚未歲滿徑行遞摺請安並請出學
當差與定例不合殊屬冒昧豫親王桂林著
交宗人府議處仍俟年滿十八歲循例由宗
人府奏明辦理題又諭太醫院院使張仲元
御醫全順醫士忠勛恩糧戴家瑜均著革職
帶罪效力○又諭前刑部主事陳秉鈞分部
郎中曹元恆江西玉山縣知縣呂用賓江蘇
阜甯縣知縣周景濤浙江候補知縣杜鍾駿

江蘇候補知府施煥候選道張鵬年均著降
二級留任○諭軍機大臣等電寄出使大臣
唐紹儀據電奏使美國書應否改發並擬改
名紹怡各節該部知道題以恭親王溥偉添
派恭辦

大行太皇太后喪禮改派貝勒毓朗在

大行太皇太后梓宮前恭代奠酒題丁丑
奉 太宗文皇帝誕辰遣官祭

攝政王面奉

皇太后懿旨。祺皇貴太妃。瑜皇貴妃。珣皇貴妃。璿

貴妃。瑾貴妃。均著加恩。每月賞給公費銀五百

兩由內務府廣儲司交進。○又奉皇太后懿旨。攝政王載灃。穿孝百日。諭內閣。

祺貴妃

瑜貴妃

珣貴妃

璿貴妃

瑾妃侍奉

大行太皇太后。歷有年所。淑順克昭。均宜加崇位

號。以表尊榮。

祺貴妃謹尊封為

祺皇貴太妃

瑜貴妃尊封為

瑜皇貴妃

珣貴妃尊封為

珣皇貴妃

璿妃晉封為

璿貴妃

瑾妃晉封為

瑾貴妃。所有應行事宜。著該衙門察例具奏。

又諭。恭辦喪禮。王大臣照例穿孝百日。外

和碩慶親王奕劻。和碩莊親王載功。科爾沁

親王阿穆爾靈圭。多羅克勤郡王崧杰。奈曼

郡王蘇珠克圖。巴圖爾多羅貝勒載瀾。載洵

載濤。毓朗。喀拉沁貝勒熙凌阿。科爾沁貝勒

阿拉坦鄂齊爾貝勒銜固山貝子溥倫。固山

貝子毓繡。土默特貝子棍布札布。奉恩鎮國

公溥佑。科爾沁輔國公達賚貝子銜鎮國將

軍載振。鎮國將軍溥倬。御前侍衛都統芬。車

色楞額。副都統善豫。良泰。乾清門行走固倫

額駙品級麟光。不入八分輔國公憲章。憲德。